

طريقي نار

ديوان شعر غنائي
للشاعر أحمد صبري



إصدارات دار الحسيني للطباعة والنشر والتوزيع

اسم الكتاب: طريقي نار - ديوان شعرغنائي

اسم المؤلف: أحمد صبري

رقم الايداع: 2018/22449م

ترقيم دولي: 2-15-6663-977-978

حقوق الطباعة محفوظة للمؤلف

لا يسمح بإعادة إصدار هذا الكتاب أو أي جزء منه أو تجزئته
في نطاق استعادة المعلومات أو نقله أي شكل من الأشكال
المعروفة حالياً أو التي ترد مستقبلاً دون إذن خطي مسبق
المراسلات:

دار الحسيني للطباعة والنشر والتوزيع

المقطم الهضبة الوسطى الحي الرابع منزل رقم 5275 شارع عماد مصطفى

موبايل: 01144059975 ت: 27304004

إهداء

أهدي هذا الديوان إلى روح أخي الحبيب
خالد رحمة الله عليه
الله يرحمه
كان يحب كل الناس كل الناس كانت حباه

كان جواه أنبل إحساس كان من أطيب خلق الله

الله يرحمه
كان إنسان مخلص ورقيق كان بيحن بكل ما فيه
كان أخ وصاحب وصديق ألف رحمة ونور عليه

أحمد صبري

— ديوان طريقي نار للشاعر أحمد صبري —

— من إصدارات مؤسسة الحسيني الثقافية —

تقديم

يسر مؤسسة الحسيني الثقافية أن تقدم لجمهور الأدباء هذا الديوان " طريقي نار " للشاعر الغنائي المبدع أحمد صبري ،
ولسوف تتوالى إصدارات المؤسسة التي تلبي رغبات الشعراء والأدباء في كل مجالات الإبداع خلال الفترة القادمة ،
ولا يسعنا في هذا المقام إلا أن نتقدم بالشكر الجزيل لكل من تعاون معنا في سبيل تحقيق أهداف المؤسسة في نشر الثقافة الحقيقية التي تعبر عن هوية الأمة ، وترتقي بالذوق العام وتواكب الحاجة الملحة لالقاء الضوء على ابداعات الشعراء والادباء خارج القاهرة ، ونخص بالذكر نقادنا الافاضل الدكتور حسام عقل ، والدكتور على جاد الحق ، والناقدة رانيا مسعود ، والناقد عاطف عز الدين الذين يثرون الأعمال الأدبية بنقدهم البناء ، ان مشروع مؤسسة الحسيني الثقافية مشروع طموح لاستعادة دور مصر الريادي الموكول بها في عالمنا العربي منذ بدء الخليقة ، وسوف نمضي قدما لتحقيق هذا الهدف، وبذل الكثير من الجهد لإيماننا بأهمية الثقافة في تحقيق النهضة المأمولة لأمتنا . لقد قررت المؤسسة منذ بداية عملها أن يكون في أوليات عملها رعاية الابداع والمبدعين لاكتشاف المبدعين الحقيقيين في مجال

الأدب ورعايتهم وإلقاء الضوء عليهم من خلال النقد البناء لتسهيل فرصة حصولهم على الجوائز العالمية في مجال الأدب من خلال نقاد مؤهلين للنقد، كذلك فقد أطلقت المؤسسة مبادرة ميثاق شرف المثقفين أفراداً ومؤسسات وجمعيات ، ونود في هذه المقدمة أن نشير إلى ان اهتمام مؤسسة الحسيني الثقافية بشعراء وادباء الاقاليم شئى أساسى ضمن سياستها برعاية الابداع والمبدعين فى كل مكان فهناك الكثير من المبدعين فى حاجة لمساعدتهم وإلقاء الضوء على أعمالهم الأدبية، ومؤسسة الحسيني الثقافية ليست فقط مجرد ندوات أدبية أو ثقافية أو فنية فقط ولا تهدف للربح فى المقام الأول ، وإنما ترعى المبدعين فى كل مجالات الابداع ، مثل الفنون التشكيلية وفنون المسرح والسينما وغيرها من الفنون ، نضع بين يدى المثقفين هذا الديوان ، آمليين أن يحوز على القبول والله الموفق

رئيس مجلس الأمناء

عبدالقادر الحسيني

مقدمة الشاعر

ما بين الواقع والحقيقة وفي دروب الصمت
والتحدي يمطر سحاب الإبداع جميع أنواع الفنون
الجميلة ، وتبقى الأغنية والكلمة في المقام الأول
شعر غنائي يمتزج به الموسيقى والأصوات
الساحرة .

لذلك يبقى الشاعر الغنائي هو الأقرب لشعبه
وطنه هو من يجسد رواياتهم وأحلامهم الأهم
وأمانهم ، فهو من يكتب أغانيهم على مر الأجيال
الحديثة .

لذلك يسرنا إن نقدم لكم هذا العمل المتنوع ما بين
الذكرى والرومانسية والتجارب القاسية .
ونرجو من الله أن ينول إعجاب من أطلع عليه
التوفيق وبالله .

أحمد صبري

ديوان طريقي نار للشاعر أحمد صبري

من إصدارات مؤسسة الحسيني الثقافية

طريقي نار

ديوان شعر غنائي
للشاعر أحمد صبري

ديوان طريقي نار للشاعر أحمد صبري

من إصدارات مؤسسة الحسيني الثقافية

طير غريب

أنا طير غريب	ما بقعشي على شكلي
وماليش حبيب	في همومي ومشاكلي
مانيش صياد	ولا جنية تنده لي
أنا في حداد	على روعي على أهلي
طير غريب ف الليل	دايما يتنكش عشه
غاوي يروح ويميل	على خاين يغشه
ويشيل زي الجمال	أحزانه على وشه
صابر قد الجبال	حامل ظلام نعشه
بضم الموت بصدري	وقلبي يدق أحزاني
الطين بيشق جذري	يردم لي وجداني
تراب حساوي نار	حرقاني كوياني
أطرح زي الاشجار	أشعاري و أغاني

زي الحمام

زي الحمام بيشر بني	من غير كلام بيعرفني
بيحس بيا بيفهمني	من غير كلام زي الحمام
زي الحمام لما يجيني	يرمي السلام يديني
وبحبه ليا يغطيني	أرتاح وأنا زي الحمام
زي الحمام من مراسيلك	أتمنى أرجع وأجلك
أسمع كلامك أغنيك	عشق وهيام زي الحمام
زي الحمام وأنت معايا	الدنيا تيجي على هوايا
أطير أرفرف ف سمايا	وأرجع قوام زي الحمام
زي الحمام بيحيرني	ساعات كتير بيسهرني
نظرة عيونه بتخطفني	ويا السهام زي الحمام
زي الحمام قلب حبيبي	أبيض و ينبض بحنيني
ساعات كتير بيخليين	أدوب غرام زي الحمام
زي الحمام لما ندال	الشوق غلبي و صحالي
قلبي وغير أحوالي	وبقيت أنا زي الحمام

شائلة إسمك

مين بعدك هيحس بيا
مين أدك هيخاف عليا
ابويا أخويا صاحبي
فراقك بيهد فيا
أعيش أزاي من غيرك
ومين هيسمع شكوتي
حياتي عمري من خيرك
يا أحلى حاجة في دنيتي
إنا بقيت حنة منك
إنا شائلة يا عمري إسمك
واللي واجعني حبيبي
ما بقتش تمسح دمعتي
كنت ماشية
والليالي بغدرها

كنت عايشة الدنيا
و أنت في ضهرها
كنت أنام مطمئة
مهما كانت شدتي
كنت بيبك متأمنة
كنت سندي وعزوتي
أعيش أزاى من غيرك
ومين هيسمع شكوتي
حياتي عمري من خيرك
واحلي حاجة في دنيتي
اني لسة حنة منك
إني برضو شائلة إسمك
واللي واجعني إنك
ما بقتش تمسح دمعتي

باب أخير

ومهما راح تتقفل	بيبان الأمنيات
ومهما القلب غفل	وكرت الأزمات
بيفضل باب أخير	مفتوح بيقول ياخير
ربك هو الكبير	قادر ع المعجزات
ومهما الناس تخونك	وتبيعك في المواجه
مهما تبكي عيونك	مسير الفرح راجع
مهما اليالي معتمة	وقوتك مستسلمة
وغنوتك متقسمة	على احزان كثير
ومهما الناس سابوك	كرهوك أو حبوك
مدحوك أو سبوك	وتعبت م التفكير
بيفضل باب أخير	مفتوح بيقول ياخير
ربك هو الكبير	قادر ع المعجزات

نبقى إخوات

بتقوللي نبقى اخوات	دا كلام تقولهلولي
قولتلها قولي مات	وبلاش كدا تقوللي
اقتليني وبعينيكي	بلاش كدا اتعذب
ادبحيني وبأيديكي	سيبيني اتأذب
خليني اتعلم	الدنيا فيها حاجات
وأديني بأتألم	واخذ على الآهات
بتقوللي نبقى أخوات	بعد الزمن عاشقين
كانت كتير حكايات	أشواق غرام وحنين
قولتلها متخافيش	على جرحي ودموعي
كان فيه خلاص ما بقاش	انهيلي موضوعي
دلوقتي ألف سلام	الوقت عدا وفات
سايبة لي الابتسام	صورة الذكريات
بتقوللي نبقى اخوات	دا كلام تقولهلولي
قولتلها قولي مات	وبلاش كدا تقوللي

ماتز علوش مني

ماتز علوش مني ما باشوفش منكوا خير
حببتكوا مع إني ما باخدش منكوا غير
احزاني أوجاعي والشك في دراعي
على ايه مفيش داعي انا خدت من دا كتير
طول عمري أنا راضي اتعب على الفاضي
واتهد م المشاوير
وامشي البلاد سواح افضل الم في جراح
مخدوع و قفل كبير
ما تز علوش مني يا ناس ما تستهلوش
والكل باخدعني يجرحني وماهموش
حتى الحبيب عاشقه الكل صاحبه جبان
في الضعف انا دوسته بكرا ها كون فنان
حببتكوا يا خسارة شكرا على الأحزان

شاعر حزين

بيقولولي يلا اصبر	مع إني أنا الصابر
ودموعي تسبقتي	طول عمري مش قادر
أحمد أنا صبري	وعذابي مش خاطري
والجرح لو يسري	بياخذني ويسافر
الصبر دا أبويا	والشدة تبقى أمي
والحزن دا خالي	والانفعال عمي
أنا أحمد و صبري	لله من بدري
ونصيبي أقداري	جوايا ميت شاعر
الأولاني حزين	والتاني ليه دايب
والثالث اللي سنين	خادعينه يا حبايب
احمد أنا صبري	شاعر حزين مصري
أحلامي دي بتجري	غير حزني مش فاكِر
الصبر دا أبويا	والشدة تبقى أمي
والحزن دا خالي	والانفعال عمي

المطرة

وبتنزل المطرة تغسلني بالشارع
حبيبتي يا قمره رايح مانيش راجع
ماشي مع الغيوم رايح له يا هلاكي
لا أقدر على الهموم ولا بقدر أنساكي
ماشي وسط الدموع وقلبي على جمره
تايه أنا موجوع بعيونك السمرا

وبتنزل المطرة

ماشي مع الحكايات عايشاني في خيالي
مجروح كاتم أهات وأنتي اللي وجعالي
قلبي اللي بيحبك وعيوني نار حمرا
بأموت أنا ف حضنك يمكن أعيش برا

وبتنزل المطرة

طريقي نار

طريقي نار

والنار ف حبك أحلي جنة أحلي دنيا دخلتها

طريقي نار

والليل ف بعدك ويل وعتمة ياكل حاجة بحبها

حببت جنانك وحنانك حببت حياتي علشانك

حبك ملكني وخلصني ماأقدرش أشوف حد مكانك

نظرة عنيك أحلي معاني وبتبقى جنبي ووحشاني

ما أقدرش يوم على نسيانك وبجد أموت لو تنساني

فوق حدود الوصف حببت خطوط رسمك

وبكل حب وعطف غنيت حروف اسمك

يارتني أكون أمير أسمع كلام همسك

يا ريتني توب حرير ملفوف على جسمك

عاشقة عيونك عيوني غيرهم ما فيش غاليين

من بين الناس خدوني ونسيت أنا من فين
عايزك و نفسي تكون عمري وعشرة سنين
أنا بيك بقيت مجنون أنا ليك غرام وحنين

ما بتستأذنش

ما بتستأذنش
دخلت قلبي
إزاي ما عرفش
فتحت بابه بنظرتها
إحتلت من أول رمش
من رقتها وبرانتها
لما تقولي قمري وعمرى
لما غرامها عليا بيجري
لازم انسى حكايتي وصبري
مين في مكاني وما يسلمش
بين ضحكتها أو جرائتها
بين نظرتها أو طياتها
وحاجات خدتي وحببتها
إحساسها عمره ما يكذبش

مايتستادنش

لو ماتسلمش از عل منها
بس عيوني ما تبينش
استني تيجي وساعتها
اقول لروحي معلش
هناخد إيه من دمعتها
اصالح نفسي ويرضيني
بكلمة حلوة تنادينني
يروح التعب اللي ماليني
وافضل ساكت ما تكلمش
استني تحذف نسمتها
اتمنى اسمع همستها
ادوب أنا من لمستها
ضمة منها ماتتوصفش

مايتستادنش

عين تعشق

(دويت مغربي)

بغيت المحبة تزايد كل ليلة في عنيا
بنت بلادي أكيد نعشق فيها العربية
أميرة بنت سلطان ولعت لي قلبي نار
قالت لي يا ولهان كنغير مبعيت نحتار
مانقدر نبعد عليك بعدك كيقتل فيا
انت حلمي الوحيد بغيتك ديما ليا
بغيت نهضر معاك هضرة حب وأشعار
أعوام وانا نتسناك تولي ليا ليل ونهار
انتي ملكة قلبي مشيت من بلاد لبلاد
انت حياتي حبي ديرت شحالك الفؤاد
انا و ياك ولا غربة انتي وطني واهلي
انت عنيك الصحبة عيش ليا تعشقتي

ادعي يصونك ربي عمري معاكى أعياد
نموت عليك بالعربي ما نقدر على البعاد
مزيان حبك بالزاف ديما هاك و يفرحني
معقولة قلبي شاف عين تعشق وتهني

موقع جديد

تعالى حبيبي نفك
نبعد عن الفيس بوك
ونروح موقع بعيد
نعمل جروب جديد
نكون انا وانت وبس
مالينه حب وهمس
يلا قوللي اوك اوك
وتعالى حبيبي نفك
هملى الصور اشعار
واستقبل منشوراتك
واحبك ليل ونهار
اطلع في اشاراتك
موقع جديد عشائك

فرجني يلا جنانك
عايزين نعمل نيولوك
تعالى حبيبي نفك
خد لايك مني ليك
لو قولت صباح الخير
كومت كمان لعنيك
هاعمل لصورتك شير
نتعاون حب ولعب
هنجيب بترينة لب
وع اللي فات نسك
تعالى حبيبي نفوك
في الموقع الجديد
انا وانت لوحدينا
نسخ ونكز وايد
قافلة الباب علينا

ناكل نرقص ونطير
تلاجة فيها عصير
نعمل للدنيا بلوك
تعالى حبيبي نفاك

ب أموت انا

ما كنتش عايز أسيبك	أنت إللي كنت جارحني
نفسى أجيلك وأجيبك	أبوس عينك سامحني
حببي غصب عني	سيبتك تروح لبعيد
بأموت انا بيوجعني	قلبي يا حبي الوحيد
أيام بتعدي عليا	زي القطر مايفوت
بتدوس تقطع فيا	و انا بأحبك موت
من يوم ما هواك ودعني	مخنوق عايش وحيد
بأموت انا بيوجعني	قلبي يا حبي الوحيد
احنا إللي بينا كتير	ما أقدرش يوم أنساك
فاكر لك كل خير	بأتمنى لحظة لقاءك
بحلم أشوفك تسمعني	تجمعني من جديد
بأموت انا بيوجعني	قلبي يا حبي الوحيد

عيني علينا

عيني علينا هنروح م الغلب فين
الناس بتلعب بينا عشانا طيبين
كل الناس علينا كلهم قاسيين
حتى أقرب مالينا نسيوا إحنا مين
زمن الحب الجميل عدا خلاص انتهى
دايما رد الجميل غدر وظلم وأذى
بنعمل المعروف والبحر عالي عالينا
بنرمي خير ونشوف مر وشر مالينا
قلبي زعلان عليه وهو حزين عليا
موجوع وحاسس بيه تبكي عليه عنيا
تلف بينا سنين دنيا الهموم تلهينا
طريقنا رايح فين ومين هيخاف علينا
الليل مليون آلام ونهارنا شمس غابت
يا صعوبة الأيام أحلامنا الحلوة ماتت

وبناخذ ع الجراح ما نلاقي اللي يداوينا
نتمنى يوم نرتاح نحلم بفرحة تجينا

حبايبي

إعمل معروف يا قلبي أنسى الناس كلها
إوعاك تقول حبايبي كلمة بلاش منها
حبايبي إيه ما خلاص كل الحبايب راحوا
ماتت قلوب الناس وقلبي ويا جراحوا
وسهرت وحداني كلمت أحزاني
سمعت شكوة عين بتبكي علشانى
ناديت قمر الليالي غنيت ألم موالى
صعبت روحي عليا وتعبت من حالى
إعمل معروف يا قلبي أنسى الناس كلها
مين إالى واقف جنبى زمن الحب انتهى
أصبر على الأيام إحزن لكن فى سرى
خبي صوت الآلام مهما الدنيا تذلك
إسكت ماتتكلمش إزعل وماتبينش
ولو بتموت أنين إجمد ماتتسلمش

يا قلبي الله معاك كل القلوب بايعاك
او عاك ياخذك حنين ارمي الأشواق وراك
إعمل معروف يا قلبي بلاش وجع أرجوك
مين هيحس تعبى كل حبايبك سابوك
شكوة لغير لله فيها ذل وإهانة
ومهما قولت الآه من ظلم ولا خيانة
نصيبك هتعمل إيه عيبك مقدور عليه
دايما قليل البخت الدنيا تيجي عليه
الدنيا فيها كتير الناس من غير ضمير
وفيهما فوق وتحت بحر ومالوش كبير

بأنام ساعتين

بأنام ساعتين وأقوم ثاني
أحبك وانتني وحشاني
وليلي يطول وعنواني
بشارع حب رقم عشقك
بهواكي دا دور ثاني
بنام بالاقيني بتأثر عبير بيهل ويعطر
شاريكي نفسي و معاكي وباشتاقلك أنا أكثر
باقوم ألاقيكي قدامي أنام حاضنك بأحلامي
متسألش غيرك مفيش عنكي دايما واخذاني
بأنام ساعتين وأقوم ثاني
ولما راح تبقي معايا هتحي بشوقي و هوايا
الساعتين معاكي حنين حياه براحتي وهنايا
منين ما بروح محوطاني بدوب فيكي وسحرا ني
وعارف مهما راح أعرف انتي بروحي سكتاني
بأنام ساعتين وأقوم ثاني

لما تشوف البحر

لما تشوف البحر يقول لك إن الشوق عداه

وإسأل إحساسك هيدلك إني بحبك ياه

لما تشوف القمر العالي

قول له إن أنت حبيبي العالي

بأحلم بيك وبقال ليالي حزنك بآتمناه

لما تشوف البحر يقول لك إن الشوق عداه

لما حبيبي انا كلمتك قولت بحبك ااه

فاكر لما انا غنيتلك وانت تقول الله

كنت بأشوف عينك تنده لي

كنت أقول دا بيتيألي

فجأة بقيت أصحابي وأهلي وحنائك بالقاه

لما تشوف البحر يقول لك إن الشوق عداه

أنت حبيبي وعقلي وقلبي أنت اللي انا بهواه

أيوه بحبك مش راح أخبي وأبعد عنك لاا

أبعد عنك عمري ما هأقدر
مهما هيحصل مش راح أفكر
غير إني في غرامك أسهر
وإلي فات ننساه
لما تشوف البحر يقولك إن الشوق عداه
وإسأل إحساسك هيدلك إنك ليا حياه
لما نشوف مع بعضينا
لمسة بهمسة بتدفيينا
ترسم فرحتنا عنينا ونعيش أحلى حياه
لما نشوف انا وانت حبيبي العشق ومحلاه

مش مستغرب

مش مستغرب

إني أقابل ناس بتخون وتبيع بالساهل

تاخذ قلبك تكسب حبك

تبقى إزارة وهي تصبك

تشرب منك حب كثير

ماتقول عنك كلمة خير

مش مستغرب

إني أقابل قسوة وجرح وظلم كبير

عيشك ملحك كله يهون

خوفك عشقك كله رخيص

تدخل وبتخرج مديون

والجرح بياخذك تخلص

ترجع وحدك م المشوار

زي رماد واكلاه النار

مش مستغرب إني أقابل
كذب وغدر بطعم مرار
تشرّب لما تقول ملّيت
تعرف ناس ولا تستاهل
قلبك شايّل وأستكفيت
وأنت مقضيها لي جمائل
الأيام بتعدي يا قلبي
والأحزان دول هما حبايبي
مش مستغرب إني أقابل
ناس خاينة ما تستاهل حبي
لكن لازم لحظة أفوق
والماضي أدوسه وأعديه
ينزل تحت وأطلع فوق
وحيني أنا ها أقضي عليه
كنت يا قلبي طيب شاري

كنت بتستحمل وتداري
مش مستغرب إني أقابل
ناس تستاهل كرهى وناري

بأموت فيكي

أنا إلهي في الهوا وفيكي

بأموت فيكي

ومهما يحصل ويحصل

أنا منك وأنا ليكي

انا إلهي عايش وفيكي

ع الهامش و باحميكي

ووقت الجد يا حبيبتي

تلاقي روعي تفديكي

أنا عاشق بأدوب ف النيل

أنا دمعك في عز الليل

أنا غنوة أنا المواويل

و أم الدنيا أسمىكي

أنا خوفي عليكي حياه

وبأدعيلك بنصر الله

ودم الشهدا مش هأنساه
دا ياما كان بيقيدي
وأنا إلهي في الهوا وفيكي
بأموت فيكي
سنين خايف وكنت بأموت
بأشوف الخوف بيملأ بيوت
وفجأة الشعب صار له صوت
وخلى الكل سمع بيكي
شبابك بدئوا هدم الظلم
وشعبك قام وعاش الحلم
بإذن الله يزول الهم
وتتحقق امانيك
وأنا إلهي في الهوا وفيكي
بأموت فيكي

بعدك وجعني

من يوم ماغبتي عني ماليش في الإنجازات
وعشان بعدك وجعني عايش بمسكنات
حبيبي حس بيا علاجك صيدلية
إرحمني م الأدوية وركوب العربيات
حبيبي تعالى حبة نتعائب نستخبى
تعبان محتاج محبة مشتاق للحلويات
حبيبي يا توتا توتا يا كريمة بالبسكوطة
جوايا حاجات مكبوطة أفلام ومسلسلات
بأحبك تاتا تاتا يا أحلى م الشيكولاتة
إوعي تنسى حمادة دا بينا حكايات
بأحبك شوف وبص خالص مش نص نص
دانا كل ساعة ونص أتعب و بالحالات
من يوم ماغبتي عني ماليش في الإنجازات
وعشان بعدك وجعني عايش بمسكنات

مانيش ع البال

مانيش ع البال

ولا جه في بالك تتعب حالك ولو بسؤال

مانيش ع البال

إخلاصي ليك إحساسي بيك زي الخيال

ناسيني قول لي أعمل إيه

وليه قلبك يجافيني

سايبني ليلي بأسهر فيه

وسايب لي دموع عيني

مافكرتش في أي كلام

ماقصرتش أنا الأحلام

ماقصرتش حنين وغرام

ولا يمكن دوام الحال

مانيش ع البال

كنت بأتمناك

ماكنتش عارف إني هايجي يوم أنساك

كنت بأستناك

أتاريك قاسي وبايعني ومعلقني بهواك

وأتاري مشاعرك الغاية

حبالها في الهوا دايبة

واخدة حنالك وجاية

وحرمان وقسى وهلاك

هويت لكن ماتستاهل

رميت أحلامي بالساهل

وعشقك اللي كان قاتل

وكان جوايا بس إتشال

مانيش ع البال

إنتِ في قلبي

وحشني حضنك أوي وراسي بين إيديك
وعشان بأحبك أوي إحساسي كله ليك
إنتِ بقيتِ .جوايا في دمي إنتِ خلاص

مش عارف أنا أسيبك

ايوه بأحبك وإنتِ في قلبي

في عيوني يا حبيبتي هاشيلك

وبوسة على خدك بتقولك خد حناني
وبوسة لشفايفك بأقولك هاتها تاني

عايزك علي طول معايا عاشقك ومافيش كلام

هايحكي إيه جوايا من شوق لهفة وغرام

واحشني كلام عنيك يا أجمل حب جاني

باناديك ومستنيك وفيك فرحة زماني

إنتِ بقيتِ .جوايا في دمي إنتِ خلاص

مش عارف أسيبك

ايوه بأحبك وانت في قلبي
في عيوني يا حبيبتي هاشيلك
ودقة من قلبك أسمعها مدفياني
والعمر لو جنبك أتمنى أعيشه تاني

لازم أبعد

لازم أبعد وأخبي عشقك بين ضلوعي
لازم أعند ماتشوفيش ضعفي ودموعي
ااه بحبك ااه بأموت بس مش ممكن أقول
حلم مش عايزه يفوت كنت بأتمناه يطول
جوه قلبي نبض ليكي مش هأخبي نفسي فيكي
نفسي يوم يجمعني بيكي بس هأبعد غصب عني
رغم أشواقي وحيرتي رغم إحساسني وغيرتي
ماتجيبيش للحب سيرتي قلبي طول عمره تاعبني
لازم أبعد صدقيني قلبي مقهور بس عيني
مخبي فيها شوق سنيني روعي رايحة قبل مني
تصرخ الدمعة في رمشي وأبقى م الآخر في نعشي
عارفة ليه قررت أمشي لأن قلبك مش حاسسني

لازم أبعد وأخبي عشقك بين ضلوعي

لازم أعند ماتشوفيش ضعفي

الأسم أخوات

معادش باقيلنا حاجة مبقاش فاضل كتير
بقينا آخرنا رسالة كل عام وأنتم بخير
نسينا أحلى ذكريات والماضي بينا مات
اغراب عن بعضنا لكن الاسم أخوات

كل عام وأنتم بخير

تهنا من المشاوير ولا ضاع الضمير
قدرنا ندوس ماضيها وبيعنا حاجات كتير

كل عام وأنتم بخير

سنين عدت علينا سرقت منا الحنين
قتلت مشاعرنا فينا وبقينا ناس تانيين
قسينا على دمنا مبقاش حاجة تهمننا
لاشوفنا عيب مننا ولاشوفنا حد كبير

كل عام وأنتم بخير

الاسم أخوات وأصحاب الاسم أهل وقاريب

لكن مافيش أحباب علشان الحب غايب
زي الأعراب بقينا ناسين أقرب مالينا
رسالة بتيجي لينا وتروح على ناس كثير
كل عام وأنتم بخير

همس كلام

قال همس كلام ياسلام قال شوق وغرام ياسلام
أتاريه كداب غدار وبتاع حكايات أوهام
قال همس عيون يا حرام قال حب جنون دا كلام
الجنة إتقلبت نار ودموع وأهات أيام
وليه كده يا قلبي هو إنت لسا شاريه
بعد ماباعك وسابك حرام تفكر فيه
مش كلام و حروف الحب مش همسات
الحب عشق و خوف مش حبة أغنيات
كان ليا حق أخاف منك ومهما أحكي وأقول عنك
خلاص اللعب ع المكشوف مش لكلام و حروف
خليك مع همساتك كمل هناك حكياتك
اكذب وعيش أوقاتك شاطر وطلعت تمام

نجوم النهار

والحنين مليون مرار	الكلام جوايا ساكت
قلبي بيموت انتظار	حبيبتي راحت و سابت
والأمان هرب من أهله	العشم كان مش محله
قادرة يا نجوم النهار	اللي فات زي اللي قابله
أحلامنا وبتبكي عينا	بنحلم وغيرنا يحقق
ووجعنا بيكسر فينا	ونندم وقت ما نتفرق
وقلوب كتيرة بتتقلب	السكة صعبة وبتعذب
وليه بتغرق أمانينا	ليه الحقيقة بتتكذب
وكل موجة نعيها	نقوم ازاي ونمشيها
والرحمة تحرم علينا	بتيجي الأقوى بعديها
وراح لصاحب نصيبه	قرب العيد البعيد
راح أقول للقلب عيبه	لما نعشق من جديد
وإنه بيسلم لكلام	إنه بيصدق أوهام
هايجي يوم يسييه	إنه بيحس بغرام

قلبي ياما بينخدع	بيعجبه دور الجدع
ومهما بيشوف البدع	ياخده الحنين ويجيبه
ألف مبروك الفرح	ومش مهم الإعتذار
زاد الحنين لما طرح	والقسمة ضربتني نار
الذكرى بتيجي تفكرني	اللي جرح واللي هجرني
وبدعي ياربي تقدرني	ع الغدر وع الاشرار

أنا مرايتك

أنا مرايتك أنا صورتك أنا بدايتك	
بتبكي دموعي تنده لك	عيوني لما تضحك لك
أنا ليلك أنا نهارك	أنا عايش في أفكارك
أنا لو كنتي ويايا	بتطلع كل أسرارك
أنا دارك ومشوارك	وأكثر ليك حبي أنا
أنا شطك وبحارك	وبقالي كام سنة وأنا
بأحبك قبل ما أشوفك	وبأعشقك وأنا شايفك
وبأحضن نفسي بكفوفك	أتكلم من بين شفايفك
أنا غنوة مشاعرك	لما بتنور حياتي
أنا صوتك وشعرك	لما يوصف أمنيائي
أنا مرايتك تحبها	حكايتك لما تحكيها
أنا يا حبيبتي علشانك	حاجات نفسك تلاقيها
أنا صبحك وأفراحك	أنا حلمك وحراسك
أنا في الدم جواكي	بأتنفس بأنفاسك

أنا مش حي وعشاني أنا عايشها وعشانك
وبحر الحب دا حناني و مد الكون دا حنائك
أنا سيرتك وأوهامك أنا غيرتك من الهوى
إزاي تكون أحلامك من غير ما نكون سوا
أنا جايك جوايا شايلك أكثر منك محتاجلك
انتي مرايتي و روايتي انا بأحبك وعايزك

أحلى مافيك

حبيبي أحلى مافيك	إن انت غير الناس
واللي بحسه فيك	أكبر من الاحساس
من كلامك من عينيك	في حاجات بتشدني
نفسي ابقى معاك وليك	نفسي تيجي تضمني
من خدودك بين ايديك	إتولد إحساس جديد
سحر عود الله عليك	الخيال بيروح بعيد
بأبقى عايز أعشقك	والأمانى تشدني
إني أبوسك أحضنك	أعشقك وتحبني
متعة الأيام عينا	إنك انت تبقى جمبي
أفهمك وتحس بيا	تمتلك روعي وقلبي
حبيبي أحلى مافيك	كل حاجة فيك حلوة
طول عمري مستنيك	وكاتبك الف غنوة
غنوة فيها بقول عليك	انت روعي ونبض قلبي
غنوة تانية مشتاقة لك	غنوة تحلم تبقى جنبى
غنوة تحكى حبي فيك	وانت ليك بالأغاني
بأعشق الدنيا ف عنيك	ببقى بيك وبزمانى

بأحسبها ملاك

بأحسبها ملاك مش جنية	فرحتي هي في دنيتي ديا
ما أعرفشي إني مابعرفشي	أخلي بالي حتى عليا
صدقت أنا كل ما قالت	فكرتها حنت مالت
ماعرفشي إنها هتمشي	وف قلبها حطت شالت
بأحسبها ملاك مش بتهزر	واخداها لعب على تسالي
وفضلت أسهر وبأفكر	إني عليها عزيز غالي
أتارينني فاكِر إلي ناسيني	كأني مضروب على عيني
مخدوع وأشواقي عمياني	مستني حاجة مش هتجيني
وطلعت مش فاهم حاجة	الوصف طيبة على سذاجة
وإلي إشتريتها ووحبيتها	طلعت كده مش محتاجة
بأحسبها ملاك ولقيت فيها	جمال مايخطرش ف بالي
وحاجات كتير بحلم بيها ا	وَهَام ومن صنع خيالي
مخدوع وكنت مصدقها	سحراني وكمان بأعشقها
ضحكت عليا وحضنتني	بعدين سابتنني ولا هاممها
تحب ياما ولا شوية	أخرتها ذكرى وأغنية
لواحدة كنت أنا بأحسبها	ملاك وطلعت جنية

عايزة إيه

عايزة إيه من قلب حبك	وانتي ولا حسيتي بيه
عايزة إيه من حزن ضمك	كنتي ناوية تجرحيه
عايزة إيه ماتكلميني	مستحيل تاني اتعيني
قلبي عاش من بعد منك	وانتي عايزة تموتيني
كنتي دايمًا تظلميني	كل ليلة تعذبيني
إلف شيء يبعدني عنك	وانتي عايزة تقربيني
عايزة إيه من قلب عاش	كل حلمه تحني ليه
إستنا إحساسك ماجاش	كنتي قاصدة تعذبيه
عايزة ليه أعشق هواكي	وانتي ظلماني معاكي
الف دمة من عينيا	من جفاكي ومن قساكي
قلبي إحتاج لك نداكي	حلمه كان يبقى معاكي
بس مات العشق فيا	مش حاقل قلبي فداكي
عايزة إيه من الدموع	واللي كنتي بتعرفيه
في طريق مالوش رجوع	تاه وضايع م إلي فيه
عايزة إيه ما كفاية إني	كنت علشانك بأغني
وانتي كنتي بتسمعي	وتسيبيني وسط حزني
البداية من واحشني	والحكاية حنين ياخذني
والنهاية إمشي سيبيني	دي النهاية غصب عني

قلبي مالوش عنوان

بتقولني انك في قلبي	ب أمانة ايه يا قماره
طب حاسبي يا حلوة حاسبي	انا قلبي زي العمارة
لكن مالكيشي مكان	عندي ازمة إسكان
قلبي مالوش عنوان	أو فرع في أي مكان
انا دايس كل حته	ومعايا كمان إمارة
انا بايس الف وستة	ودسته جت بخسارة
كنتي صحيح وكان	زاحت ايام زمان
قلبي مالوش عنوان	أو فرع ف أي مكان
قالوا عني ف ابتدائي	ساحر قلوب عذارة
إعدادي شاعر غنائي	حساس كله شطارة
لكن لو حبي هان	بقولها للي خان
قلبي مالوش عنوان	او فرع ف أي مكان
انا فاهم كل حاجة	وقلبي زي حارة
بطرد منه السذاجة	وأكره قلوب غدارة
روحي ليكي الامان	لمي باقي الحنان
قلبي مالوش عنوان	أو فرع ف أي مكان

مديون لك

و عايزك تسامحني	انا مديون لك بجرح
زي مانت جارحني	مش هأقدر أجرح فيك
مش هأتكلم كثير	مش هأحكي غير الخير
مكونتش تدبحني	لو كان عندك ضمير
والعشرة مش بتهون	انا مديون لك ليالي
يقدر يغدر يخون	إلا اللي مالهوش غالي
نار قلب ودمع عين	انا أشكي حالي لمين
وعلى سد الديون	ع الصبر الله يعين
كنت بتقل عليك	انا مديون لك بجد
غيرك وروحي فيك	مكانش ليا حد
قلبك جواه ما فيش	اتاريك ما حبتنيش
مع اني عايش ليك	حياتي ما تساويش
إلي عليا كله	انا مديونلك وكاتب
وربنا حاقول له	وف يوم هنتحاسب
بالحق وبالمظالم	يارب انت اللي عالم
بالجرح مديون له	منيش ع الحب نادم

الأميرة

الأميرة	انتى الأميرة وانا الجنائنى
أزعه عشان تشوفيه	الدنيا عندك الورد عندى
ولو فى يوم دبل وردك	أقطفه عشان تلمسية
واقول يا بختك يا بختك	أمسكه وأبص فيه
ايد الأميرة لمسة خدك	دبلان لكنك مين أدك
انتى الاميرة وانا ف حيرة	ياورد عايز تانى ايه
انا أد ايه وانتى كبيرة	وأقول لك ايه بس يا ستي
انا بالكثير أزرع وردة	مشاعري غرقانة ف حيرتى
وجنية على حبك شاهدة	وأكتب عليها بفرحتى
انتى الأميرة واحلامي	انا أد ايه محبتي
وعشانك أزرع أيامي	انك تعيشي وتتهني
ياليلي ليلي وياليلي	ورد ومحبة وأغني
كلمة بأحبك على بالي	والورد بيغني معايا
	أقل أحساس جوايا

لعنة الحب

يا لعنة الحب إلي عاش مكروه طول السنين
قلبي يا مركب ورق بتتحرق بدموع العين
من بدري تاهت سكتك ضعفت وضاعت قوتك
فكرت عشقك ينجذك أهو موتك يا حزين
قالولي ليه اليأس متخلي حبة نور
أنا قولت فين الشمس قلبي أنا مكسور
مكانش عاشق ضلمته مكانش عايز كسرتة
كان نفسه يتهنى وغنى لقي كل شيء بيسكتة
يا دنيا عنيتها بمبي ضحكته ورد وفرح
زرعتك نبض قلبي لكنه مات م الجرح
أيوه عارف كل واحد له مكانة
وان حبك لو لغيري مش خيانة
وإني مش أد المقام اللي بينا يدوب كلام
وكلها أحلام أوهام والسلام يفضل أمانة

والوم عليكي ليه وإزاي إنتي كنتي عملتي إيه
وأنا لو أروح مش جاي تفرق معاك في إيه
مانا بلدي بيعاني وأمي نسياني
وكل أحلامي مكانتش علشاني
يا لعنة الحب الجميل على أوتار الحقيقة
إعزفي الحان تشيل معاني كثير غريقة
من بطن الشاعر هاتي حزن مشاعر مكبوتة
عن حياتي وذكرياتك إكتبي آخر حدوتة

أعلى بشبر من الأرض

إنتوا الاتنين حاجة وأحدة	إنتوا الاتنين مع بعض
عقلين بمشاعر باردة	ولا تفرقوش عن بعض
غدار مع وأحدة خاينة	لايقين أوي على بعض
ف عيوني بقيتوا ف ثانية	أعلى بشبر من الارض
أعلى بشبر من الارض	وساعات أقل كمان
والدنيا شاشة عرض	والناس أشكال واللوان
واللي بتفتكره حبيبك	وبتدي له الامان
أول واحد بيبيعك	وأهو هو دا الانسان
هتجيب من فين ملايكة	ياللي انت عامل ملاك
الناس منك متدايكة	الناس خلاص كرهاك
اقفل عليك جدرانك	والباب مع الشباك
علم على أحزانك	واقفل قلبك جواك
لو شافوا انك ضعيف	الكل هيجرحوك
والضربة لو بالسيف	يبقوا اللي بيحبوك

والقسوة ترش نار	أغلى ما عندك سابوك
الطيبة صبحت عار	لما اللي منك باعوك
لو باقي عندك حنين	خبيه تحت السرير
في زمانا الطيبين	بيشوفوا الظلم كثير
لو كنت عايز تعيش	بطل تعيش للغير
بيع ولا تشتريش	إنسى بدون تفكير

تراب بلادي

يمكن صوتك يسمعهم	إصرخ يا تراب بلادي
وناري ما بتلسمعهم	جحيم الموت بينادي
ملاني ياسي إنكسار	حرقنتي شمس النهار
وليه أهلي بأودعهم	مين بيحس إنتصار
من جوعي إستسلامي	خلصان بارود السلاح
بأنده وطني الاسلامي	فين القصاص والفلاج
حرقوا العنب والتوت	أرض العرب بتموت
والموت وأقف أدامي	مكسور تحت البيوت
يمكن أعيش يومين	سلامي لأمي وأبويا
و ياريتة جوه العين	كفكك دمعي يأخويا
روحي راحت قصادي	قبرك وطن بينادي
إشكر كل السامعين	إصرخ يا تراب بلادي

جيت أشوفك

الإحساس بصوتك	جيت أشوفك وأسمع
لما بتغني حروفك	لما بتقولني مشاعرك
جيت أغنيك كمان	جيت أشوف نظرة عنيني
نقسي فيكي من زمان	إنتي فين مشتاق إليكي
إنك إنتي تحسي بيه	ياما قلبي بات بيحلم
ويقدر إحساسي ليه	وإن قلبك يوم هيرحم
أنساكي حتى ليلة	جيت عشان ماقدرتش
ياللي عنيني جميلة	حاولت و ماعرفتش
لو حتى من بعيد	حببت أشوف حبيبتي
قلبك قاسي عنيد	انا اعمل إيه وإنتي
عشقك مش إختياري	بهواكي غصب عني
مهما بأحاول أداري	جوايا ليكي بأغني
يمكن توصل رسالتي	جيت أشوفك وأمشي
ومش عارف نهايتي	بقالي كتير مبأنامشي
مشتاقه كتير عيوني	قلبي مليون كلام
إنك معايا تكوني	في يوم من الايام
وبعشق كل مافيكي	بحبك يا ملاكي
وحياتي بتناديكي	أموت ولا أنساكي

فايدة حبك إيه

أكتب أسمك يا حبيبي	بحنيني ولهبيي
وانت ناسيني أه والله	حبيبي ومزود تعذيبي
طب فايدة حبك إيه	هو انا ناقص عذاب
تشغلني وأحبك ليه	كوياني نار الغياب
إيه يمنعني أحبك	ما تيجي تحبني
تديني حنة منك	تاخذني تضمني
وكم ان أديك حنية	تعوضك إلهي فات
انسى معاك القسوة	وتموت الذكريات
انت حبيب حياتي	ومش محتاج أقول
قلبي عليك بينادي	انا عايزك على طول
العمر هيبقى معاك	وهتبقى نور العيون
عاشقك انا بهواك	ايوه بأحبك بجنون
ياكتب اسمك يا يا غالي	ياساكن ف خيالي
انت نبض الحياه	هتخلو الليالي
ماهو فايدة حبك إيه	حنن قلبك يا واد
الدنيا هتضحك ليه	وانت مقضيها عناد

سألت الناس

سألت الناس عليه	أنا ممكن أعمل ايه
نفسي يحس بيا	دايما تشتاق عنيا
طول عمري مستتية	وياما حلمت بيه
إحساسي ان انا عايزاه	وقلبي بيه مشغول
و بقيت مستتياه	بس مابأعرفش أقول
أخاف ميحسنيش	أحلى وأجمل إحساس
لو هو محبنيش	أعيش إزاي يا ناس
ياناس قولولوا اني	عمري عشان عنيه
عشقه وغصب عني	بالي مشغول عليه
أخاف مايكونش ليا	وكل حاجة فيا
عايزاه ومستتية	يمسك إيدي بإيديه
نفسي أعيش معاه	أتعب عشان رضاه
أنا من زمان شيفاه	العالم واللي فيه

غريب العصر

في ناس وشوشها فقر تدخل حياتك تديها خيرك
تديك في شر
في ناس كدا زي البحر عالية تلاقيها واطية تلاقيها
ولا ليها بر
ناس في الصعب بتمشي وناس عايشة حلاوة روح
ناس سهرانة ماتنامشي بتتألم ندم وجروح
وانا عايش غريب العصر بدور و مش موجود
لا منى عرفت النصر ولا منى بقيت موجود
في ناس وشوشها دمار بتمص دمك تقتل في حلمك
تاخذ قرار
في ناس م الانتظار بتروح حياتها يلسعها برد
تحرقها نار
وناس م الجوع بتتلوى ناس تانية مبنشوفهاش
ناس بالشر تستقوى في ناس مبيهمهاش
وانا عايش غريب العصر كأني زي قيد مفقود
معقولة تكوني يا مصر سجن واسع الحدود

باسد الجوع

و عطشي في الحياه انتي	بأسد الجوع ولا بأشبع
بأحب أقولك يا حبيبتي	بأحب أشوف بأحب أسمع
وعمري وهبته لعنيكي	بأسد الجوع ولا بأشبع
أدوب يا حبيبتي ف اديكي	عنيكي بالحنان تلمع
انا هأحبك كدا علطول	انا فيكي حاقول و حاقول
يا حبيبتي بأموت فيكي	وفيكي وبيكي انا مقتول
ناديت ولا حد سامعني	هويت الوطن باعني
وطبطبلي على كتافي	نداني قلبك الصافي
لقيت بعدك بيتعبنى	لقيت الحب شيء دافي
بجمع لك في أحلى حروف	عليكي قلبي انا ملهوف
في خصرك إبتدى حبي	في رمشك إهتدى قلبي
يا حبيبتي كفايا كسوف	يخليكي ليا ياربي
انا هأحبك كدا علطول	انا فيكي حاقول و حاقول
يا حبيبتي بأموت فيكي	وفيكي وبيكي انا مقتول

ما أحبوش

عايز أقول له كلام قبل مني مسمعهوش
عايز أحس بغرام قبل النهاردا محستوش
عايز أعيشه بحنان وأنسى معاه اللي كان
وأحبه كمان وكمان ما أحبوش
ما أحبووووش يكون زعلان ومتضايق
مأحبوووش يكون تعبان ومش رايق
مأحبوش زعلان مأحبوش تعبان
أحبه كتير عشقانه أتعب أزعل علشانه
إحساسه طيبته حنانه جماله ما قابلتوش
أحبه يكون فرحان وأحس معاه بحنان
لو لحظة كان بردان أغطيه بالرموش
ما أحبووووش يكون زعلان ومتضايق

انتي الوحيدة

انتي الوحيدة بجد تستاهل أحبها
مفيش ف الدنيا حد بطيبة قلبها
انتي الوحيدة مسانداني وحساني وجوه عنيا
انتي ال تستاهلي حناني وضماني وخايفة عليا
حبك ده أجمل وعد انتي الوحيدة بجد
مش محتاجة كلام طول مانتني ويايا
هنحقق الاحلام انا وانتي وكفايا
كفايا نكون مع بعض إنتي الوحيدة بجد
هاقولك ايه تاني انتي أكيد حسه
معايا وحشاني والدنيا مبتسمة
حضنك دفا بالورد انتي الوحيدة بجد

كلك حبيبي

ياحبيبي انا هأفضل أقولك	إني بأحبك هأموت عليك
وانك على بعضك كلك	عاشقك كلك ونفسي فيك
كلك كلك حبيبي	انا بعشق كل ما فيك
نفسي تكون نصيبي	و اتهنى بين ايديك
يا واخذ روعي مني	وعقلي ليل و نهار
قلبي شوق واجعني	و حاسس كلي نار
اليوم ييفوت سنين	مفیش حياه غير بيك
تعبان غرقان حنين	طول عمري مستنيك
كلك كلك حبيبي	انا بعشق كل ما فيك
نفسي تكون نصيبي	اتهنى بين ايديك
لو تعرف أد إيه	حضنك عندي غالي
و بأحسك زي إيه	احساس جامد وعالي
وكل لحظة بأشوف	حياتي جوه عنيك
النار حرقاني خوف	قلبي بينده عليك
كلك كلك حبيبي	انا بعشق كل ما فيك
نفسي تكون نصيبي	اتهنى بين ايديك

وقت الدموع

و يعمل لك ملاك	كله بيضحك معاك
يقدر اوام ينساك	لكن وقت الدموع
ويغير الموضوع	ينسى حكايتك معاك
من يبحبك عشان	وقت الدموع ببيان
وإدالك قسوة كتير	مين خد منك حنان
اللي عليك ملهوف	وقت الدموع بتشو
تلاقي مفيش ضمير	واللي يقول لك ظروف
لحد ما تدي الأمان	كله بيعمل حبيبك
تلاقي الأصل بان	ممكن لحظة يسيبك
من أغلى ناس عليك	تتعود تبكي عنيك
وتعبش لحزنك اسير	والكل يجرح فيك
تلاقي العمر عدا	وبتفتكر اللي فات
قصة حزن جامدة	جواك بركان أهات
بيحس بصوت حزين	هتغني لمين ومين
كل الشهور امشير	م الدنيا و السنين

مش هأرد عليك

مش هأرد عليك

انا لا شايفك ولا سامعك ولا حتى حاسس بيك

مش هأرد عليك

حتى كلامي لو وجعك هيبقى خسارة فيك

أيوه شايفك شيء صغير هأضيع وقتي ليه

كبرت خلاص وهأقدر اعدى وأدوس عليه

مش هأرد عليه

عشان خاني وكسرني وانا كنت بأخلص ليه

مش هأرد عليه

بعد ماباعني وخسرني وانا محتاج إليه

أيوه شايفك شيء صغير هأضيع وقتي ليه

كبرت خلاص وهأقدر اعدى وأدوس عليه

نام يا حبيبي

نام يا حبيبي نام	وانا هأسهر أستناك
هأرسم لك الأحلام	وفيها هاكون معاك
أول حلم شايفك	بتحضني ب عينيك
والتاني من شفايفك	باحبك روعي فيك
كل الأحلام عليك	مش محتاجة كلام
طول عمري مستنيك	تعيشني الغرام

نام يا حبيبي نام

ياحبيبي نام وارتاح	وانا برموشي هاغطيك
إنسى كل اللي راح	خلاص انا هأبقى ليك
م البرد راح ادفيك	ونعيش أجمل أيام
شفايفي هتصحيك	تعد لحد كام

نام يا حبيبي نام

إنسان

مش هأضحك على نفسي مش هأكذب على روعي
مخنوق وحزين نفسي حد يداوي جروحي
وفين الحد ده ومين يرضى بكده
إنسان غريب وحياته تايهة متشتتة
إنسان معدوم حياه إحساسه ألم وآه
قطر الفرح فاتة جرحه بيكبر معاه
مش هأضحك على نفسي انا ماليش عنوان
لا قدرت أهزم يآسي ولا أقتل الإنسان
إنسان عنيد جوايا خسران كل الحكاية
الله يعوض عليا يرحمني في النهاية
إنسان مالوش أذار شبعان ظلم ومرار
صعبة الأيام عليا قلبي كوياه النار
مش هأضحك على نفس ماليش ف الدنيا حد
إمتى يا دنيا تحسي سنين تعبان بجد

عيشة رخيصة ما تسواش	عذاب القلب عاش
نتباع منهم ببلاش	ندفع حياتنا لناس
وهاك في المحكي	مش هأضحك ولا هأبكي
من مين لمين أشكي	هأسكت خالص خلاص
مش هأكذب على حالي	مش هأضحك على نفسي
تحني يالوالي	مخنوق وحزين نفسي

هواكي روح

كل الحاجات بتموت	مافيش حاجات بتعيش
مهما العمر هيفوت	وأمانه ماتنسيش
حاجة عدت وقتها	حبك إنتهى
أموت لو سبتها	يمكن هواكي روح
كام حاجة نحبها	ف الدنيا كلها
نروح من بعدها	ولما مننا تروح
الوقت عدا وفات	مافيش نصيب علشان
وبتختفي أوقات	الذكرى وقت تبان
بقالو كام سنة	حبك ليا انا
مش بيحس بهنا	وحبي ليكي حنين
خبينا في قلبنا	قسينا ف بعدنا
وبيرجع حلمنا	بتعدي أحلى سنين
والفكر مهما يطول	هواكي روح وحياه
وقلب قلبي يقول	العقل يصرخ أه
بعيد زي القمر	حبك دا قدر
م الغربية والسفر	ممنوع أتهنا بيه
وانا ديما أفكر	زمان حكموا البشر
والشوق زي المطر	عامل اني ناسيه

هو انت كده حبيت

وخلصت الحكاية	هو انت كده حبيت
وانا حبيت الغواية	ولا انت كده غنيت
وانت ساقيني جراح	هو انت كده مرتاح
وهي دي النهاية	ولا انت حلم وراح
ودخلتك حياتي	أخرتها عشان صدقتك
ومديت الايادي	إديت لك قلبي عشقتك
ولا كله عادي	ضمتني بشوق حضنتك
وهان عليك بعادي	في القلب انا سكنتك
هو انت كده متهني	هو انت كده حبيت
وقدرت تبعد عني	كده بسهولة استغنيت
وعرفت عليا تغني	كثر خيرك أصيل
زيك وأخذك مني	كومبارس ف التمثيل
والخاين اولى بيك	هو انت كده غدار
وليه هاندم عليك	على ايه انا محتار
والحب خسارة فيك	حبيتك وانت نسيت
الله يساهلها ليك	هو انت كده حبيت

ذكريات لبودعوك

كل دول إتفقوا عليك	إنهم لحظة يسيبوك
يجرحوا قلبك وعنيك	لما ببلاش بيبعوك
دي الحقيقة فوق لها	وهمك انت انتهى
كل حاجة شوفتها	ذكريات لبودعوك
عيش كده راضي نصيبك	مش جديد انك وحيد
من حياتك من سنينك	ممكن انت تكون عنيد
بس قلبك مش حجر	دمع عينك كان مطر
ظلم دا ولا القدر	يحرملك اللي يحبوك
اه يا قلبي مين يحسك	جوه منك الف اه
خوفت من روحك ونفسك	اللي عدا عليك تنساه
كل شيء بيبان اصادي	غدر ظلم قولت عادي
من حبايبي من بلادي	صنتهم طب ليه خانوك

بطلت أتكّان

محبتكيش علشان مافيش

فيكي ولا ذرة حنان

وعشان لاقيتك واحدة خاينة

مالكيش امان

وانا من زمان بطلت اتخان

محستكيش علشان مافيش فيكي

ولا نقطة إحساس

إنسانة تافهة شيطانة عايشة

على شكل ناس

لا اصل ولا إخلاص واحدة كده وخلاص

اندم على ايه غير اني

عرفت اشكالك

وانا أحبك ليه جمالك زي اخلاقك

عندك مليون طريقة تجرحي بيهم وتخوني

لكن دور البريئة مش هتصدق عيوني
انتي صفر على الشمال انتي عندي متفرقيش
اتقطع بينا الوصال ياللي في قساوتك مافيش

محبتكيش

هسيبك تاني لضياك ضيعي كمان
لا يمكن احن لخداعك لو مهما كان
علشان بتوه انا لكن لازم افوق
مقامك تحت ساكن وانا لسه فوق
كل اللي زيك حواليك شبهك تمام
بايعك وبائع ليايك واسامحك حرام
حتى السماح فكرت فيه وماتستهليش
كل اللي انتي بتعمله مايهزنيش

محبتكيش

الوش الثاني

في ناس مبتتعلمش	مهما الكلام بنقول
وناس مبتتعدلش	سايقة العوج على طول
ناس مش راضية تفهم	ناس كده عايزة تندم
لو حبوا يغيبوني	يشوفوني وانا مسطول
حاقلب ع الوش الثاني	وأضرب هندي وتيواني
وهاجيب عاليها واطيها	وساعتها انا مش مسؤول
لو أقلب ع الوش الثاني	حيدوسهم قطر جناني
ياما ناس كتير قبلها	ناموا ع الفرش المبلول
كان نفسي الله يهديكم	مش عايز أقلب عليكم
مش معنى اني طيب	ان انا مأفدرش أأذيكم
لو في ريحة كرامة	نهايتنا مع السلامة
وبلاش نغلط ونعيب	أخرتكوا معايا ندامة
حاقلب ع الوش الثاني	ولا حد يقول علشاني
هازل اللي مزعلني	والسع بكرباج سوداني

لو أقلب ع الوش الثاني	هأرمي قنابل بلساني
الأحسن تبعدوا عني	تلعبوا مع واحد تاني
وأدي أخرة المعروف	كلبين وحمار وخروف
بيقولوا كلام عليا	نميمة مفهاش كسوف
مهما الواطي تعليه	طبعه بيبهت عليه
لازم أشوطه برجليا	وأهو عبرة للي يليه
حأقلب ع الوش الثاني	وكتير هيجاملوا عشاني
م الضرب يورم أفاهم	وانا قاعد هنا ف مكاني
لو أقلب ع الوش الثاني	دول يتقطعوا بسناني
طوابع ايدي عداهم	مين يقدر يتحدان

تحت الارض

فراقهم كان مكتوب	تحت الأرض ناس
عاشين جوه القلوب	رغم الوداع والبعد
بنبكي مشتاقين	بنفتكر أيامهم نبكي
ندعي نقول أمين	نترحم عليهم نحكي
أموات المسلمين	يارب إرحم أمواتنا
أرواح عايشة معانا	تحت الارض لكن
وبيفرحوا بدعانا	بتروح كل الأماكن
بيفضل فيها مين	هي حقيقة حياتنا
كتب نهايتنا فين	ربك لما خلقتنا
بنبكي مشتاقين	بنفتكر ايامهم نبكي
أهل وصحاب غاليين	تحت الأرض أحباب
الذكرى جوه العين	لو كان الجسم غاب
ونصبر ع الحنين	وبنرضى بالنصيب
وبيجي لينا جنين	بيروح منا حبيب
بنبكي مشتاقين	بنفتكر ايامهم نبكي

نبذة عن الشاعر

الاسم / أحمد صبري محمد إبراهيم

الميلاد 1938-7-26 | مدينة المنصورة

النشأة والدراسة | العريش

الإقامة | الإسكندرية

العمل الخاص / أعمال حرة

العمل العام / رئيس مجلس إداره جمعية شعراء وأدباء مصر

المطبوعات السابقة | ديوان شعر غنائي

بعنوان عاشق زماني اكثر من 100 أغنية

أرقام الهواتف 01002470144

01272770740 -- 010029196190

شكر خاص

كل الشكر والتقدير لكل من ساهم في إصدار هذا العمل

واخص بالذكر المراجعة والطباعة والنشر

مؤسسة عبد القادر الحسيني الثقافية

تحية خاصة لهذا الصرح الثقافي الراقي

تحية لكل العاملين به وتحية من القلب

الى الابد الروحي

الفنان ا عبد القادر الحسيني

الفهرس

البيان	رقم الصفحة
إهداء	3
تقديم	5
مقدمة الشاعر	7
بداية الديوان	9
طير غريب	11
زي الحمام	12
شائلة إسمك	13

15	باب أخير
16	نبقى أخوات
17	ما تزعلوش مني
18	شاعر حزين
19	المطرة
20	طريقي نار
22	مبتستأذنش
24	عين تعشق -دويت مغربي
26	موقع جديد
29	بأموت انا
30	عيني علينا

32	حبايبي
34	بانام ساعتين
35	لما تشوف البحر
37	مش مستغرب
40	بأموت فيكي
42	بعدك وجعني
43	مانيش ع البال
45	إنت في قلبي
47	لازم أبعد
48	الاسم أخوات
50	همس كلام

51	نجوم النهار
53	أنا مرايتك
55	أحلى مافيك
56	بأحسبها ملاك
57	عايزة إيه
58	قلبي مالوش عنوان
59	مديون لك
60	الأميرة
61	لعنة الحب
63	أعلى بشبر من الأرض
65	تراب بلادي

66	جيت أشوفك
67	فايدة حبك إيه
68	سألت الناس
69	غريب العصر
70	باسد الجوع
71	مأحبوش
72	انتي الوحيدة
73	كلك حبيبي
74	وقت الدموع
75	مش هأرد عليك
76	نام يا حبيبي

77	إنسان
79	هواكي روح
80	هو انت كده حبيت
81	ذكريات لبودعوك
82	بطلت أتحان
84	الوش الثاني
86	تحت الأرض
87	نبذة عن الشاعر
88	شكر خاص
89	الفهرس

مع تحيات الشاعر
أحمد صبري
وإلى اللقاء في ديوان جديد



مع تحيات دار الحسيني للطباعة والنشر والتوزيع
رئيس مجلس الإدارة

عبد القادر الحسيني

المشرف العام

محمد عبد القادر الحسيني

المدير العام

عصام عبد القادر

نائب المدير

مختار عبد القادر الحسيني

الهيئة الاستشارية للدار

الدكتور حسام عقتل الدكتور علي جاد الحق

الدكتور لطفي سيد صالح الدكتور بسير عبد العظير

الاستاذ عاطف عز الدين